



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

vij Perpetua vnd Felicitas.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

a  
**B**  
 vj  
 Fulgen-  
 tius.

**D**ieser ist ein fürtrefflicher Christlicher Car-  
 thaginensischer Mann gewesen / ein Bi-  
 schoff Ruspensis / In der Wendischen gräv-  
 lichen verfolgung ist er inn Sardiniam ver-  
 schicket / Vnd da er nach stillung solcher gräv-  
 lichen verfolgung wider anheymis komen / hat  
 er vil fürtrefflicher schriffte in allerley händeln  
 lassen ausgehen / vnd an tag komen / wie dann  
 solche von dem hochberümpfē Abt von Span-  
 heym offte vnd vielmal angezogen vnd erzehlet  
 werden. Er hat gelebt vnd geleuchtet / nach  
 Christi vnseris erlösers geburt 500. jar.

Per  
**C**  
 vij  
 Perpetua  
 & Felici-  
 tas.

**D**ise zwo Christliche Frauen sein ganz zu  
 vngelenger zeit den wilden Thieren jäm-  
 merlich zuzerreiben fürgeworffen worden / dan  
 Felicitas war schwanger / vñ nahet sich die zeit  
 ihrer geburt / Perpetua aber die hat ein junges  
 säugends Kindlein / Sie aber liessen sich gänz-  
 lich solchen schmerzen vñnd hekenleidt vom  
 warer erkandnuß Christi abzuweichen nicht  
 bewegen / sonder blieben inn solchem ganz be-  
 ständiglich.

Dise Tyrannen ist an ihnen geübet worden  
 in Mauritania / vnder dem Keiser Valeriano /  
 den zweyten Martij / vñnd nach der rechnung  
 Eusebij!

Eusebij / nach Christi Geburt 259. Darvon  
auch Sanct Augustinus. Item / im 16. Buch  
Commenta. Volater.

Dieser ist gewesen ein Oberster Berckmei-  
ster Saporis. des Königs in Persia / Die-  
weil er sahe daß Ananias / da man ihn neben  
andern vmbß Christlichen Glaubens willen  
tödtet solte / etwas zittert vnd verzaget war /  
Sagte er zu ihm: Du ber alter Vatter / thu de-  
ne Augen nur ein kleine weil zu / vnd halte dich  
Männlich / dann du wirst gar bald das herrlich  
Licht Gottes schauen.

de  
D  
viii  
Pulices  
Martyr.

Vmb solcher tröstlicher rede willen / wurde  
er auch gefangen / vnd für den König geföhrt /  
dieweil er dann freudig beandt / er were auch  
ein Christ / wurde er auff vnerhörte weiß gräu-  
lich gemartert / Vnd neben ihm wurde auch  
gemartert seine Tochter / ein schön vnd keusche  
Jungfrau / Geschehen im drey hundert acht  
vnd vierzig ten Jar Christi. Eusebius libro  
secundo, capite vndecimo Ecclesiasticæ  
Historia.